

11

1617

3454-5

160-

LETTRE DV
COVRRIER
DE L'AVTRE MONDE
arriuee en France.

3

M. D. C. XV.

LETTRE
DV COVRRIER
DE L'AVTRE MONDE
arriuee en France.

REiouissez vous peuple François, voicy de
bonnes nouuelles que ie vous apporte,
car i'ay ouy dire que l'on va mettre vn ordre au
desordre, qui a de long temps régné parmy
vous autres, en l'exposition & trafic de vos
monnoyes, qui est si mal réglé que le peuple
ne peut plus viure parmy le monde, par le des-
cry qui s'est fait sourdement des monnoyes
estrangeres, sans aucune ordonnance du Roy:
ie le sçay bien vertugoy l'ayant experiméré en
vn long voyage, en plusieurs terres & Prouin-
ces du monde, ou i'ay pensé mourir de faim,
non pas faute de fressure, car i'auois la mienne
pendue à la ceinture, qui m'eust en vn besoin
serui pour faire vne menestre d'antipast a la ro-
manaisque, mais parce qu'a mon partemēt i'e-
stois chargé de toutes sortes d'especes, qui ont
en fin plus pullulé en France, que n'ont fait les
vniuersaux & cathegories entre les Philoso-
phes, desquelles quelques vns en tiennent ius-

ques a vn nombre indefini les tirans, de genere *summo & infimo*, & en fin de la diuersité de tels genres, diuerses especes en naissent, qui ne s'ont pour le plus souuent pas receuës pour estre *in forma minori* ou *in troncardo*, ce qui apporte vne telle confusion que les plus subtils Arithmeticiens se trouuent courts en leurs nombres bres d'or, ayans esté la pluspart trompez au descroist: de sorte qu'estans décheus en leur calcul, demandent leur recours aux raisons qui sont praignantes a leur interest: & pour ce que ce qui est problematique passe tousiours auant en quelque façon que ce soit, ne me defiant point de moy mesme, ie m'estois chargé de ces especes, pensant que comme bon ergoteur, ie leur ferois croire vne partie de ce que ie leur dirois & constituerois vn bon predicament de toutes mes especes par tout ou ie passerois: mais ie fus deceu & trompé par vn bruit, qui parcourut incontinent toutes les Prouinces, qu'on n'en vouloit plus a Paris, ce qui a reglé le monde, par le desuoyement de toutes ces especes.

Et qui fut bien esté né ce fut Guillot car pensant auoir bien de l'argent ie voulois tousiours en forme commune *l. star Luna occasus* expedier le sacrifice de Bachus pour me munir contre ce mauuais air pronostiqué par ces Mauregards de Sauoye qui se predisoient vne belle, & longue vie, & aux autres vne courte: mais ilss'estoient abusez en leurs supputations pour

ce qu'ils auoient pris cinq pour dix : car la fortune ayant retourné la chance sur l'un de ces diseurs de bõne fortune luy auoia le l'en demain vne des trois sœurs qui ne luy donna pas vne longue vie comme il se l'auoit predit mais vne belle longue mort attachee au bout d'un pousteau à fin qu'il ne fust trouué menteur en tout. de sorte donc que pensant continuer mes longues traittes ie fus tout émerueillé, que ie ne pouuois auoir n'y pain ny vin non pas mesme vn grain de moustarde pout faire vne saulce à Robert a deux champignons que i'auois cueilly au sommet des Monts Pirenées : si bien que l'on me nia toutes mes especes, & tout mon pauvre argent ne me seruit de rien quoy qu'il ne fust n'y rongné ny gallé mais au contraire de bon poids, & fin alloiy ainsi que ie croyois.

Et certes ie reconnois a present que ie ne me suis iamais trouué si estrac desprit que ie fis pour lors, & est vray que ie me vis (ne scachant plus de quel bois faire fiesche) sur le poinct de vendre mon cheual pour luy auoir du foin & mon manteau aussi pour escrimer du museau sans que de fortune ie rencontray vn coureur qui bellutoit par les foires & marchés se disant, estre changeur de monnoye auquel ayant montré mes especes me dit qu'elles estoient descriees & au billon ce qui me fait rautir en extaze l'espace de plus de deux heures en laquelle ie pense perdre le goust du vin par admiration

Nonobstant ce bon *permutator* recognoissant l'estat de mes affaires qui estoient assez constipées esmeu de ma necessité, promit me changer mes especes, & m'en bailler aux coings & armes de France qui auoient cours par tout le monde, mais que ce seroit *cum lucro*, qui ne les prendroit qu'à la valeur de sa pancarte d'où ie recogneus l'axiome de Monsieur Turquain estre veritable : que tant que les estrangers auroient del'intendance en France l'on ne receuroit iamais le titre de *reformandis*, & qu'elle ne seroit iamais non plus exempte de gabelleurs, & donneurs daduisque l'Afrique de mōstres si nostre Hercule ne suffoquoit cete hydre de partisans qui y formillent, & y sont plus frequens que les vèdeurs de triac en Italie, & de catholicon en Espaigne. Moy donc qui prenois toutes choses *simpliciter*, & *absolute* & quin'y congnoissois rien non plus que les autres ignorans cet art, illuminé des rayons qui luyloient dans mon ventre ie fus inuite *inuito* de luy laisser a tel pris & estimatiō qu'il faisoit de son tresbuchet contraint de prendre ce qu'il me bailloit en autre espece Dieu scait si ieus besoin des ordonnances de Monlieur Blacqueuaux pour l'alegement du ventre de ma bourse (estranges artifices pour epuiser tout nostre or & argent!) mais quoy la porte de deriere *caret* i'estois en pl^e mauuais estat que ceux qui ont perdu leur procez sauf leur recours & failloit passer par la ou par la fenestre carie n'auois accoustumé de ieusner (c'est affaire aux Alemands qui

ne font qu'un repas, le iour & la nuit, de sorte qu'ayant esté par luy assuré que les especes qu'il m'auoit changées dont i'auois estoiffé & garny ma bourse ne seroient refusees en quelque part ou ie peusse aller comme estant de ces belles monnoyes de France ie fus grandement reiouy & pour auoir attendu peu plus long tēps que de coustume a prendre la dragme d'opiat ie sceus bien me recompenser du temps perdu car *quod differtur non auferitur*, toute fois l'histoire d'Eraſtus m'ayant appris a ne croire de leger ie voulus faire eſſeai de ces monnoyes & vſer de la pierre de touche ne me fiant pas volontiers a ceux qui ont accoustumé de tromper *semel malus semper presumitur malus*.

Après que mon permutateur eut debité sa mercaderie & fait son trafic ordinaire comme bien experimenté en son art ie le priay de venir boire avec moy ce qu'il accepta courtoisement & affina de iouir avec aſſutance, apres auoir beu deux voltes ie monſtreay a mon *hospitarius* les pieces qu'il m'auoit changees de quoy n'ayant fait refus ie payé l'eſcot, me ſentant aſſez fort puis que i'auois de quoy me conduire *In patriam fratrum* ou i'auois deſir de retourner: mais en fin l'exceſſiue perte que i'auois faite me engendra vn deſir de ſcauoir l'origine & la ſource de toutes ces menees qui ſe pratiquent ſi finement en noſtre France & ainſi auant que de partir d'avec luy ie luy demanday d'où procedoit que toutes ces belles pieces eſtrangeres eſtoient auſſi refusees en ce pays la:

à quoy il respondit que c'estoit *scientia anagogica* dont ie n'auois besoin de m'enquerir & qu'il scauroit bien n'y rien perdre parce qu'elles se prenoient en d'autres pays qui n'estoient si subtilisez ny affinez que les angelots de Brie, & voyant qu'il n'estoit point de mon calibre ie ne luy tins plus longs discours & continuay mon chemin luy laissant paracheuer son entreprinse de tromper les autres comme il m'auoit fait, ou autrement i'eusse porté ma pelle plus dure si i'eusse esté seul en mon malheur & le tout non sans regret mais *consolatio miserorum est habere pares* plusieurs autres me disant que ie n'y aurois pas fait la plus grande perte, ce qui ne m'apportoit pas grand contentement car *sunt verba & voces quibus hunc lenire dolorem Non possis* mais toutefois m'estoit hors du desespoir.

Après auoir trauersé ces longs deserts & terres inhabitables, les peuples desquels n'estoient point selon la quadrature de ma fantasia, ie paruin en vne terre bornée d'eau, non pas *in periculô maris in monte Gorgano*, mais en l'isle des fantasques, ainsi nommée par les habitans du pays, ou ie resolus m'y arrester quelque temps y recongnoissant vne assez plaisante habitude de gens allerts & facetieux : quia mon entree me farcirent de brocards, puisés au fond du puits de Democrite. qu'ils reseruent encores parmy les espaces imaginaires comme chose bien authentique : toutesfois ayant l'esprit ailleurs, ie les laissois entrer par vne oeil-

le &

le & sortir par l'autre , ne posant pas grand
pieds sur leurs discours chimeriques , comme
produits de cerueaux assez mal timbrez.

De la a quelques iours ie m'enquis du che-
min pour aller en France , ce qu'aucuns ayant,
entendu s'aprouchant de moy , me dirent
qu'autresfois ils en estoient partis , & pour l'in-
digence qu'ils y auoient soufferte , contraincts
de quitter ceste demeure qui ne leur estoit pas
permanente , comme n'y ayant rien d'arresté
aux choses sublunaires , *non habemus hic ciuita-
tem permanentem sed futuram inquirimus.*

ils s'estoient retirez en cete contrée-la , ce qui
me donna vn aprehension & desepoir de ma
folle entreprise neantmoins ie me resolus a
quelque prix que ce fust de paracheuer mon
voyage quoy que tous les manans de ceste re-
gion m'en diuertissent a leur possible , me di-
sant que ie viurois vne vie beaucoup plus
heureuse par my eux à quoy ie ne voulus aucu-
nement condescendre parquoy me voyant en
telle resolution vn venerable Cremes me pria
instamment que, si ie paruenois iusques en Frâ-
ce ie me voulusse charger de certains aduis qu'il
auoit *alijs*, presentés pour remedier *ad penuriā
auri & argenti* qu'on auroit audit pays de Fran-
ce quoy qu'il y en eut assez ou moyen d'ē auoir
Et entendāt parler que c'estoit vn aduis qu'on
me vouloit baillet ie voulus donner vn grand
coup d'esperon a mon cheual pour me tirer de
la compagnie de ce monde la , croyant estre
au monde de la Lune ou i'auois autresfois passé

& ou i'auois rencontré vn nommé Maistre Guillaume & Monsieur Turquain qui me dirēt qu'ils venoient del'autre monde refutter ces donneurs d'aduis qui y meurent de faim n'ayāt preparé leur cuisine suffisante pour les entretenir auparauant que les porter en vne maison qu'ilz disoient estre appelée le Louure & parmy des Partisans qui ne leur donneroient point a disner mais mō bon Cremes accompagné de plusieurs autres me retint de force me remonstrant que ses aduis estoient saincts & louables au soulagement du peuple (& ne touchoient en rien aceux dont ledit Sieur Turquain m'auoit parlé) ne voulant imposer aucune traite n'y fourrages sur les monnoyes tant s'en faut qu'il donnoit les moyens de chasser les piccoreurs qui en mangent le fin, dont le Roy, & le peuple m'en scauroiēt gré, ce qui me conuia. *coactū* ne me pouuant eschapper d'eux d'obtemperer a leur discours & me tira le vieillard de la fague de son sayé certains vieux brimborions (propres a enueloper le beurre de Venure) fort anciens & assez mal escripts en lettre a moy incogneüe. Par ce que c'estoiēt tous chiffres & arithmetique ou ie suis autant entendu qu'en lettre Caldaïque & me dit que estant arriué a Paris ie m'enquisse ou se tenoit l'assemblée des Estats & que ie trouuerois personnes qui me receutoient avec allegresse leur donnant vne lettre d'eux avec leursdits memoires lesquels ils scauroiēt bien expliquer, & m'instruisant de ce que i'auois affaire & dire ce

qui seroit trop long a rediger par escript. Ioinct qu'il m'annuyoit beaucoup avec ce monde la craignant me charger d'un fardeau bien lourd & presque insupportable. Au mesme temps qu'ils essayoiēt de m'imprimer la volonté d'accepter leurs aduis i'aperceus vn notonnier avec vne grāde barque noire plaine de plusieurs sortes d'ames & m'enquerant quel il estoit l'on me dist que c'est le Notonnier Caron qui les alloit passer le fleuve d'Acherō & les laisser aux limbes mais me voyant sur le bord de ceste riuere & craignant qu'il ne me prist & mist avec l'un d'eux, ie pris mō cōgé de la cōpagnie apres leur auoir promis faire leur message a mon possible mais du bon vieillard principalement qui me pria de recommander au peuple vne pauvre fēme, & trois ieunes filles qu'il auoit laissēs en France, & auoir soing de faire de bons contrôles afin que le peuple ne soit plus deceu. Continuant mon voyage i'ay passé par plusieurs autres destroictz, ou ie ne m'arrestē pour le grand desir que i'auois d'arriuer, en la Ville de Paris tant renommee par de la les Mers, & voir si Messieurs des Estats feroient tant d'estat des instructiōs que ce bon vieillard m'auoit tant recommandées.

Estant paruenū dans le Pays de Lorraine, passant à Sedan, & Mesiere ie commençā a rencontrer force peuple, chariots, & charrettes qui disoient venir de Paris qui reconnoissants que i'estois estranger, & ignorāts que mō changeur m'eust baillé de quoy me conduire

par le change qu'il auoit fait de mes pieces, me
 dirent que si ie ne changois ma monoye, ie de-
 uois me disposer à tirer force coups d'estocade
 ou mourir de faim ce qui ma diminué en partie
 le regret de la perte que i'auois faicte au chan-
 ge n'eust esté que ie recognus leur malice en ce
 pais la ou mes pieces se mestoient pour le mes-
 me prix quelles m'auoient esté baillees mais par
 accident estant arriué *sicut nisticorax in domi-*
cilio d'ou il estoient partis ie m'enquis a mon
 hostellerie (qui estoit assez gorriere pour faire
 faire tomber le breuiere de la main d'un Iaco-
 bin) s'il ny auoit point de tanneurs en Frâce veu
 quel'on emportoit dehors tant de cuys & de
 peaux de vaches & de veaux elle me dict que
 l'abillage de Flandre est plus delicat & mieux
 courroyé mais que cen'estoit le tout parcequ'il
 y auoit bien d'autres estoiffes par-my ces peaux
 de plus grande conséquence & que à Paris l'on
 auoit descric par vn bruit commun les pieces
 estrangeres mais qu'on les mettoit bien au lieu
 ou ils les portoient & que les permutateurs y
 font grand gain ce qui me confirma de ce que
 m'auoit dit mon premier permutateur & dō-
 neur d'aduertissements qui me fist repré-
 dre vi-
 gueur & m'aduancé le plus que ie peus pour
 presenter mesdits memoires aux Estats crai-
 gnant quel'on me dit *tardē venerunt gentes* &
 que l'on eust desia ordonné sur ce fait mais
 quelque ancien legiste rendit les forces a mes
 esprits attenuez par vne sentence en forme de
 loy qui est que *posterius testamentum rescen-*

dit prius ce qu'il confirma par la parolle du pere de famille qui promet que *erant nouissimi primi & primi nouissimi*. Ioint aussi que ie ne demande aucune recompense d'un si bon ceuvre, si Dieu permet que le peuple en puisse estre soulagé, comme il sera au contentement du Roy, ainsi que m'a asseuré mon bon vieillart que ie ne tiens pas pour trompeur, Tellement que i'ay tant fait par mes iournees, que ie suis parueni iusques en la ville de Paris, ou estant ie me suis informé ou se tenoient les Estats, & ay sceu que les Ecclesiastiques estoient aux Augustins ou croyant que i'aurois des nouvelles d'un personnage d'auctorité, auquel ledit vieillard m'auoit donné charge de m'adresser & luy presenter lesdits memoires, ce que i'ay fait, & me suis deschargé de ma commission ayant aduisé d'en retenir vne coppie pour en faire la communication au peuple, afin que par le moyen d'iceux, il puisse estre osté de peyne & trauail de s'informer de la valeur d'aucune piece d'or, ne d'argent ne quelle soit subiecte au tresbuchet, en y perdant le tiers ou le quart. Que chacun donc s'assemble avec intention, pour inuocquer le tout puissant qu'il luy plaise inspirer ceste tant celebre assemblee d'y apporter le remede conuenable m'asseurant qu'aurez soing de solliciter cest affaire comme, ceux qui y ont interest plus que moy qui suis encores garny de la monnoye de mon premier changeur, pour retourner trouuer mes gens, & leur porter cer-

tifficat de la reception de leursdits memoires,
 m'ayant aduertuy qu'il y auoit vn personnage
 nommé le Turc, que pendant qu'il estoit au
 monde, disoit vouloir par ses aduis rendre le
 sel marchant parmy le peuple comme le
 bled, avec augmentation des Finances du Roy
 de plus d'un million par an, & que le minot
 n'auroit pas vallu deux escus, il me dist que si
 ie retournois par dela, qu'il me donneroit ses-
 dicts memoires, si ie le trouue ie reuiendray
 vous en dire des nouuelles, à Dieu ie m'en
 vois en haste, car passant par auprès d'un Egli-
 se quel'on nomme saint Germain, l'on m'a
 dict qu'il y auoit deux donneurs d'aduis qui
 sont morts subitement. qui me faict croire
 que ceux du Monde de la lune m'auoient dict
 verité parquoy ie diray a mes gēs qu'ils en en-
 uoyent vn autre, i'aime mieux payer son voya-
 ge car i'ay encores affaires ailleurs: il vaut be-
 aucoup mieux pour mon regard me bailler au
 trauers du corps d'une plaine lampe de bon
 vin de Sureſne que de boire du Nectar &
 ambroisie des Dieux Acherōtiques, a dieu en-
 core vne fois si ie reuiens i'apporteray vn mi-
 not de sel si ie ne suis prins des Gabelleurs.

FIN.

